

[Augsburg], 2. Dezember 1555

An Joachim Camerarius d. Ä.

BSB, Clm 10370, Nr. 257.

Clariss[imo] viro, D. Ioachimo Camerario etc. Domino et amico suo colendo. Leipzig.  
 S. P. D. Quanti te faciam, idq[ue] merito tuo, Clarissime vir, re ipsa quam verbis, declarare longè mallem, si alia essem fortuna quam sum, etsi haec quoque aequi bonique facienda est, neque quicquam appetendum amplius aut sperandum, modò ne deteriora propediem afferat ó τοῦ ⊙ πρὸς τὴν σὸν περίπατος, τραγικόν τι ἀνειλῶν. ἀλλὰ καὶ τοῦτο μελήσει τῷ θεῷ. Interea mihi iucundum est, te de animo meo bene sentire, qui te tuosq[ue] nunquam fallet, quoad sciam poteroq[ue]. Strusio dedi operam quantam potui, etsi parum possum. Bis ad te Norimbergam scripsi, an literulę redditę fuerint, nescio, quas quidem perijisse nihil refert, modò negligentiae nomine tibi ne sim suspectus. αἱ τῶν τυράννων σύνοδοι, οὐδὲν ἔχουσιν ἔμοιγε θαυμαστὸν. Sunt enim vt pueri et mulierculę leui sententia vt ait Comicus, quae leuitas ne quid grauis apportet Germaniae mali est verendum. οὐδὲν γὰρ φρονεῖ δίκαιον κουφόνους ἀνήρ. De statu Italiae quaedam ὁ γραμματοφόρος referet. D. Laurentius Gryllus noster ex aula ad scholam redditurus videtur, vt Ingolstadij Medicinam doceat, cuius exemplum et ego rectè imitarer, nisi me τόλμα καὶ φωνῆς μέγεθος καὶ μνήμη, πράγματα πρὸς ἐπίδειζιν ἀναγκαιότατα, destituerent. Heinzelius plurimam salutem tibi optat. Vale. Raptim. 4 Nonas Decembris. 1555.

Hiero[nymus] Wolfius  
 Tuus.